

NOS MINISTERIO DI REINO

JANUARI 2013

SIMAN DI 14 DI JANUARI

Cantica 52 y Oracion

❑ Estudio di Bijbel di Congregacion:

lv cap. 4, cuadronan na pag. 46-49 (30 min.)

❑ Scol di Ministerio Teocratico:

Lesamento di Bijbel: Mateo 7-11 (10 min.)

Num. 1: Mateo 10:24-42 (4 min. of menos)

Num. 2: Uza Discernimento, y No Sigui Tras di Cosnan Vano—1 Sam. 12:21; Prov. 23:4, 5 (5 min.)

Num. 3: Kico Ta Apropia pa Pidi P'e den Oracion?—rs-S pag. 272 §2-9 (5 min.)

❑ Reunion di Sirbishi:

Cantica 73

10 min: Duna Yudansa Practico. Discurso basa riba e buki *Skol di Ministerio*, pagina 188, paragraf 4, pa pagina 189, paragraf 4. Tene un entrevista breve cu un publicador cu a progresa debi cu otronan a muestra interes personal den dje.

10 min: Kico Nos Ta Siña for di Mateo 4: 1-11? Discurso cu participacion. Laga un ruman lesa e textonan. Despues, analisa con e relato aki por yuda nos den sirbishi.

10 min: "Duna Testimonio Cabal." Pregunta y contesta.

Cantica 92 y Oracion

hende cu nunca sa ta na cas ora nos pasa pa papia di e bon noticia, nos lo tin cu bishita nan na un otro ora di dia. Por ehempel, pa nos haya e cabesnan di famia, kisas nos tin cu predica sea atardi of den weekend. Nos mester keda bay bek na casnan caminda nos no a haya hende te ora nos haya un hende pa papia cu ne. Pero kico si a pesar di tur bo esfuersonan bo no a logra haya hende na un cas? Un carta of yamada di telefon lo por duna bon resultado.

³ **Publicamente y Informalmente:** Sirbidornan di Jehova ta predica e berdadero sabiduria na ken cu kier scucha. Tin biaha esey ta sosode na 'skina di caya' of riba "plenchi" publico. (Prov. 1:20, 21) Ora nos ta haci nos cosnan di tur dia, nos ta corda duna testimonio? Nos por bisa cu nos ta 'dedica nos mes completamente na predica e palabra di Dios'? (Echo. 18:5) Si ta asina, anto nos ta cumpliendo cu nos deber di "duna testimonio cabal."—Echo. 10:42; 17:17; 20:20, 21, 24.

⁴ Pero por sosode cu pa motibo di timidez of falta di curashi, nos por keda sin duna testimonio. Nos por ta sigur cu Jehova ta compronde nos limitacionnan. (Sal. 103:14) Pero ora un situacion asina presenta, nos por pidi Jehova pa duna nos curashi. (Echo. 4:29, 31) Tambe nos por pone como meta ora nos ta haci nos estudio personal y ta medita riba e Palabra di Dios pa nos haya mas aprecio pa e bon noticia. (Flp. 3:8) Esey lo motiva nos pa predica e bon noticia cu entusiasmo.

⁵ E profecia di Joel ta bisa cu prome cu e dia grandi y temibel di Jehova bin, e pueblo di Dios lo sigui "marcha" padilanti y lo no laga nada stroba nan di predica. (Joel 2:2, 7-9) Laga nos haci tur loke nos por den e trabou di predica cu nunca mas lo ser ripiti.

"Duna Testimonio Cabal"

¹ "Cumpli cu bo sirbishi cabalmente." (2 Tim. 4:5) Apostel Pablo por a duna Timoteo e consejo ey pasobra e mes tabata un bon ehempel. En realidad, entre aña 47 pa aña 56 di nos era, Pablo a haci tres biaha como misionero. Varios biaha e buki di Echonan ta menciona cu Pablo a duna "testimonio cabal." (Echo. 23:11; 28:23) Con nos tambe por haci esey?

² **Di Cas pa Cas:** Pa nos por logra papia cu

1. Ki bon ehempel apostel Pablo a pone den sirbishi?
2. Con nos por duna testimonio cabal ora nos ta predica di cas pa cas?

3. Ki oportunidad abo tin pa duna testimonio tanto publicamente como informalmente?

4. Con oracion y meditacion ta yuda nos duna testimonio cabal?

5. Con nos por participa den cumplimento di e profecia di Joel?

SIMAN DI 21 DI JANUARI

Cantica 61 y Oracion

□ Estudio di Bijbel di Congregacion:

lv tema di e appendix cu ta cuminsa na pag. 209 y caba na pag. 212 (30 min.)

□ Scol di Ministerio Teocratico:

Lesamento di Bijbel: Mateo 12-15 (10 min.)

Num. 1: Mateo 14:23–15:11 (4 min. of menos)

Num. 2: Si un Hende Bisa: ‘Resa cu Mi Prome, Caba Duna Mi Bo Mensahe’—rs-5 pag. 272 §10–pag. 273 §1 (5 min.)

Num. 3: Kico Nos Por Siña for di e Ehempel di Isaak, un Hacido di Paz?—Gen. 26:19-22 (5 min.)

□ Reunion di Sirbishi:

Cantica 32

10 min: Declara e Bon Noticia sin Stop. (Echo. 5:42) Entrevista un of dos publicador cu ta conoci como predicadornan celoso. Kico ta yuda nan mira sirbishi como un trabou importante? Con nan ta prepara pa sirbishi? Con sirbishi a fortalece nan spiritualmente?

10 min: Nos Conducta Excelente Ta Duna Testimonio. (1 Ped. 2:12) Discurso cu participacion basa riba e *Anuario 2012*, na Spaño, pagina 106, paragraf 1; pagina 133, paragraf 2 y pagina 147, paragraf 1. Pidi esnan presente pa comenta riba loke nan a siña for di e experencianan.

10 min: “Teritorio Personal Tin Su Beneficianan.” Pregunta y contesta.

Cantica 96 y Oracion

Teritorio Personal Tin Su Beneficianan

¹ Den un congregacion cu tin hopi teritorio, kisas lo bo por haya un teritorio personal, esta uno pa bo mes, talbes cerca di bo cas. E buki *Organisa*, pagina 103, ta splica: “Un teritorio personal caminda bo por yega facilmente lo permiti bo haci bon uzo di e tempo cu bo por dedica na sirbishi di veld.

1. Kico bo por haci den un congregacion cu tin hopi teritorio?

Tambe, kisas lo bo kier invita un otro publicador pa traha hunto cu bo den bo teritorio personal.”

² **Pa Complementa e Trabou di Predica den Grupo:** Si bo haya un teritorio personal banda di bo luga di trabou, bo por traha esaki durante bo pauze of atardi prome cu bo bay cas, kisas hunto cu un publicador cu ta traha den cercania. Si bo a haya un teritorio banda di bo cas, abo y bo familia por scoge e oranan mas cumbiniente parti atardi pa predica den dje. Den e caso cu bo no ta asisti na un reunion pa sirbishi di veld, lo ta bon pa prome cu bo cuminsa predica bo haci oracion pa pidi Jehova su guia. (Flp. 4:6) Ademas, ta bon pa bo balansa e tempo cu bo ta traha den e teritorio personal cu e tempo cu bo ta apoya e areglonan di sirbishi di bo congregacion. Vooral den weekend, ora hopi publicador ta sali den sirbishi, por lo general ta mihor pa apoya bo grupo di sirbishi di veld.

³ **Beneficio:** Si bo tin un teritorio personal, bo tin un caminda pa predica ki ora cu bo haya un chens. Bo por yega bo teritorio mas lihe y dedica mas tempo na e trabou di predica. Esaki a habri caminda pa algun publicador traha pionero auxiliar of hasta regular. Como cu e personanan cu muestra interes ta di e mesun bisindario, ta mas facil pa haci rebishita y cuminsa estudio di Bijbel. Hopi ruman ta haya cu un teritorio personal ta yuda nan siña conoce e doñonan di cas y asina gana nan confianza. Esey ta specialmente e caso ora nan por traha e teritorio varios biaha prome cu nan entreg’e bek pa otro publicador tambe por hay’e. Un teritorio personal por yuda abo y bo familia cumpli cu boso sirbishi mas cabalmente?—2 Tim. 4:5.

2. Con bo por uza bo teritorio personal pa complementa e trabou di predica den grupo?

3. Kico ta e beneficianan cu bo ta haya ora bo tin un teritorio personal?

SIMAN DI 28 DI JANUARI

Cantica 29 y Oracion

□ Estudio di Bijbel di Congregacion:

lv cap. 5 §1-6, cuadro na pag. 52, 55 (30 min.)

□ Scol di Ministerio Teocratico:

Lesamento di Bijbel: Mateo 16-21 (10 min.)

Num. 1: Mateo 17:22–18:10 (4 min. of menos)

Num. 2: Ki 'Bon Palabra' di Jehova Josue A Mira Cumpli?—Jos. 23:14 (5 min.)

Num. 3: Cua Ta Algun Profecia Biblico Sobresaliente Cu Tin cu Cumpli Ainda?—rs-5 pag. 286 §2–pag. 287 §3 (5 min.)

□ Reunion di Sirbishi:

Cantica 134

5 min: Cuminsa un Estudio di Bijbel Riba e Prome Diasabra. Uza e sugerencia na pagina 4 pa demonstra con por cuminsa un estudio di Bijbel riba e prome diasabra di februari. Anima tur publicador pa participa.

25 min: "Stima Henter e Hermandad." Pregunta y contesta. Uza e informacion di e prome paragraf pa un introduccion cortico y esun di e ultimo paragraf pa un conclusion cortico.

Cantica 53 y Oracion

"Stima Henter e Hermandad"

Casi dos mil aña pasa apostel Pedro a skirbi e palabranan inspira di e tema aki. (1 Ped. 2:17) Pero awe nos tin cu aplica nan mas cu nunca. Con nos por stima algo asina grandi manera un hermandad mundial? Y den e mundo sin amor aki, con nos por haci sigur cu nos amor no ta fria? (Mat. 24:12) Wak e DVD *Henter Nos Hermandad* (na Spaño, *Toda nuestra asociación de hermanos*) y purba di contesta e siguiente preguntanan.

(1) Na ki momento nos a bira oficialmente parti di nos hermandad cristian? **(2)** Menciona tres actividad cu henter nos hermandad ta participa

aden. **(3)** Con nos rumannan ta muestra nan determinacion pa predica (a) den e partinan poco pobla di Alaska, (b) den e hafnan grandi di Europa y (c) den e selvanan di Peru? **(4)** Pakico nos no mester pensa cu e trabou di predica ta un trabou comun y coriente? **(5)** Duna ehempel di e maneranan cu Testigonan di Jehova a consola y apoya otro (a) despues di un temblor, (b) despues di un horcan y (c) durante guera civil? **(6)** Den ki maneranan practico nos tur por demonstra cu nos tin e marca importante cu ta identifica nos hermandad cristian? (Juan 13:35) **(7)** Kico ta e beneficianan di traha hunto pa construi nos mes Salonnan di Reino? **(8)** Kico a yuda nos rumannan na Oost Europa y Rusia sobrevivir spiritualmente tempo cu e obra tabata prohibi? **(9)** Ki esfuerso extraordinario hopi Testigo ta haci pa asisti na congreso, y dicen? **(10)** Con e DVD aki a fortalece bo determinacion (a) pa rindi adoracion na Jehova hunto cu bo rumannan na reunionnan cristian, (b) pa yuda otro den tempo di necesidad y (c) pa predica fielmente ki ora cu bo por y na e manera cu bo por? **(11)** Con y ki ora nos por uza e DVD aki den sirbishi?

E motibo principal pakico nos ta parti di nos hermandad cristian ta e amor cu nos tin pa Jehova. Pues, nos gusta siña tocante dje y siña otro hende tocante dje. Y nos ta stima e hendenan cu Jehova ta stima. Ora nos yuda nan den tempo di necesidad, nos no ta spera pa Dios gradici nos. Mas bien, nos ta gradici Dios pasobra nos ta considera nos hermandad cristian como un regalo valioso di dje. Segun cu e ultimo dianan di e mundo sin amor aki ta yega na su fin, laga nos sigui demonstra cu nos ta stima henter e hermandad.

SIMAN DI 4 DI FEBRUARI

Cantica 70 y Oracion

❑ Estudio di Bijbel di Congregacion:

lv cap. 5 §7-15 (30 min.)

❑ Scol di Ministerio Teocratico:

Lesamento di Bijbel: Mateo 22-25 (10 min.)

Num. 1: Mateo 23:25-39 (4 min. of menos)

Num. 2: Dicon Cristiannan Mester Tin Interes Profundo den Profecianan di Bijbel?—*rs-S* pag. 287 §4-8 (5 min.)

Num. 3: Ki Ehempelman Biblico Ta Ilustra e Sabiduria Registra na Proverbionan 3:5? (5 min.)

❑ Reunion di Sirbishi:

Cantica 37

10 min: Algun Sugerencia pa Ofrece Revista den Februari. Discurso cu participacion. Spli-ca den 30 pa 60 seconde dicon e hendenan den teritorio lo haya e revistanan aki interesan-te. Despues, pidi esnan presente sugeri ki pre-gunta asina por capta atencion di e hendenan y tambe ki texto nan por lesa relaciona cu e to-pico principal di *E Toren di Vigilancia*. Haci mes-cos cu e *¡Despertad!* y, si tempo permiti, inclui un otro articulo for di un di e revistanan. Tene dos demostracion, un pa cada revista.

10 min: Si un Hende Bisa, ‘Mi No Ta Kere den Dios.’ Discurso cu participacion basa riba e buki *Rasonamento*, na Spaño, pagina 122, paragraf 6, te cu pagina 124, paragraf 1. Tene un demostracion cortico.

10 min: Necesidad local.

Cantica 95 y Oracion

Anuncio

■ Oferta di literatura pa **januari y februari:** Por uza un di e foyetonan di 32 pagina cu e congregacion tin den stock y cu hende den bo teritorio kisas lo haya interesante. Ora haci rebishita, introduci e buki *Bijbel Ta Siña* of, dependiendo di e necesidad di e persona, e foyeto *Scucha Dios* of *Scucha Dios y Biba pa Semper*, y purba cuminsa un estudio di Bijbel. **Maart y april:** *E Toren di Vigilancia* y *¡Despertad!* Ora haci rebishita, introduci e buki *Bijbel Ta Siña* of, dependiendo di e necesidad di e persona, e foyeto *Scucha Dios* of *Scucha Dios y Biba pa Semper*, y purba cuminsa un estudio di Bijbel.

■ E discurso publico nobo cu e superintendente di circuito lo duna durante e ultimo mitar di e aña

di sirbishi 2013 tin como tema ‘Bon Noticia pa Tur Nacion, Tribu y Idioma.’

■ Entrante 1 di januari, e PO Box di Sucursal di Corsou lo bira PO Box 8150.

■ Nos ta contento pa informa boso cu e grabacion di e buki *Hala Cerca Dios* na Papiamento ta disponi-bel riba jw.org.

Algun Sugerencia

Pa Cuminsa Estudio di Bijbel Riba e Prome Diasabra di Februari

“Hopi hende ta kere cu ta Diabel ta tras di tur e maldad cu tin na mundo. Pero nan ta puntra nan mes: ‘Di unda Diabel a bin? Ta Dios a cre’e?’ Kico bo ta pensa? [Permiti e persona contesta.] Wak kico e revista aki ta bisa.” Mustra e persona e articulo parti patras di *E Toren di Vigilancia* di 1 di februari, trata e prome paragraf y lesa e texto cu ne. Ofrec’e e revista y traha un afspraak pa trata e siguiente pregunta.

ETOREN DI VIGILANCIA 1 di Februari ANUNCIANDO E REINO DI JEHOVA DIOS

“Nos tin gana di sa kico bo ta pensa di lo siguiente: Tanto cristian, hudiu como moslim tin masha respet pa e homber cu Bijbel ta yama Moises. Pero kico ta e prome cos cu ta bin na bo mente ora bo tende su number? [Permiti e persona contesta.] Aunke Moises tabatin su fayonan, ta interesante pa wak kico Bijbel ta bisa di dje. [Lesa Deuteronomio 34:10-12.] E revista aki ta trata tres di su bon cualidadnan y ta mustra con nos por imit’e.”

¡Despertad!® Februari

“Awendia ta masha normal cu hende ta emigra bay un otro pais en busca di un mihor bida. Pero bo ta kere cu semper nan ta haya loke nan a bay busca? [Permiti e persona contesta.] E echo cu hende ta muda bay un otro pais no ta nada nobo. Wak un caso aki den e prome buki di Bijbel. [Lesa Genesis 46:5, 6.] E revista aki ta analisa e preguntanan aki.” Mustra e doño di cas e preguntanan cu tin na final di pagina 6.

Logronan Sobresaliente di Augustus

Isla	Pio. Spec.	Pio. Reg.	Pio. Aux.	Publ.	TOTAL
Aruba	4	50	26	810	890
Boneiro	5	5	2	95	107
Corsou	4	140	29	1.683	1.856